

বইয়ের আলোচনা



সুখবর ব্যুরো : সম্প্রতি, সাহিত্য আকাদেমির কলকাতার আঞ্চলিক কার্যালয়ের প্রেক্ষাগৃহে বাংলা অনুবাদে সাহিত্য আকাদেমি পুরস্কারপ্রাপ্ত বই নিয়ে এক আলোচনাচক্র হয়। অনুষ্ঠানের আলোচনার জন্য বেছে নেওয়া হয়েছিল সাহিত্য আকাদেমি পুরস্কার প্রাপ্ত গল্প সংকলন – গৌরহরি দাসের ওড়িশি গল্প সংকলন কাঁটা ও অন্যান্য গল্প, ওম গোস্বামী'র ডোগরী গল্প সংকলন সোনার পাখি, বেদ রাহী'র ডোগরী গল্প সংকলন আয় রে আর মোহন ভাগুরী'র পঞ্জাবী গল্প সংকলন কুমারী হরিণী'র চোখ। অনুষ্ঠানের শুরুতেই বক্তাদের সঙ্গে শ্রোতাদের পরিচয় করিয়ে দেন সাহিত্য আকাদেমির পূর্বাঞ্চলীয় দফতরের ভারপ্রাপ্ত আধিকারিক শ্রীক্ষেত্রবাসী নায়েক। অনুষ্ঠানে নিজেদের করা অনুবাদের অভিজ্ঞতা তুলে ধরার পাশাপাশি অনুবাদের নানান সমস্যার কথা তুলে ধরেন বক্তারা। এইসব বইয়ের আলোচনা প্রসঙ্গে বিষয়বস্তুর কোন বিশিষ্টতার কারণে এইসব বই ভারতীয় সাহিত্যে উল্লেখযোগ্য স্থান পেয়েছে তা নিয়ে আলোচনা করেন তাঁরা। অবশেষে, শ্রোতাদের সঙ্গে আলাপচারিতার পর এই অনুষ্ঠান শেষ হয়।